


Heinrich Rudolph Redecker

Programma Quo Rector Universitatis Rostochiensis Henricus Rudolphus Redeker/ I.U.D. ... Ad Festum Archangelo Michaeli Sacrum, Devoto pectore colendum, Omnes Academiae Cives hortatur

Rostochii: Kilius, 1667

<http://purl.uni-rostock.de/rosdok/ppn735664668>

Druck Freier  Zugang



39

PROGRAMMA,
Quo
RECTOR
UNIVERSITATIS ROSTOCHIENSIS
HEINRICUS RU-
DOLPHUS *Redeker*/
J. U. D. P. P. Sereniss. Ducis Mechl. Consil.
& Consistorii Ducalis Assessor,
Ad
Festum
ARCHANGELO
MICHAELI
SACRUM,
Devoto pectore colendum,
Omnes Academiae Civeshortatur.



ROSTOCHII,
Typis JOHANNIS KILII, Acad. Typogr. 1667.

R. U. - Progr. 1667/7

38

PROGRAMMA

PHYSICORUM

HENRICUS
DOLPHUS

J. D. F. ...
& ...

Festum

ARCHANGELI
MICHAELIS

Devoto studio colendum
Omnes Academicos ...



ROSTOCKI
Typis JOHANNIS KELLERII Acad. Typogr. 1807



Uro nodo, dicitur in commu-
ni dē verbo, durus quārendus
est cuneus, & vim vi repelle-
re omnia jura, siue ea natu-
ralia sint, siue positiva, per-
mittunt. Ubi itaque ho-
stis est truculentior, ibide-
fensio esse debet magis stre-
nua. Nullus autem hostis
truculentior, aut humano
generi mage metuendus, nec ullum bellum periculo-
sius, quam cum Draco infernalis, qui animæ, corpo-
ris & omnium bonorum cruentissimus & insensissimus
hostis est, cum suo exercitu spirituum infernalium,
se se ad prælium parat, & sua stringit arma. Hostis
enim is est viribus robustissimus, numero militum
innumerabilis, audaciâ promptissimus, & artibus mi-
litaribus callidissimus, & impudentissimus: semel enim
victus neutrquam cedit, verum uti est pugnandi stu-
dio infatigabilis, & in omnem eventum variabilis, ita
ad tentandum semper fortius & animosius insurgit.
Sive itaque ipsum intueamur ducem, siue ejus milites,
siue arma, siue bellum ipsum, undique truculenta,
horrenda, & cruenta nostris oculis obijciuntur specta-
cula. Dux ac Imperator hujus infernalis militiæ o-
maes

innes qui vel fortitudine, vel calliditate, vel dolosis
insidiis unquam celebres fuere, aut hostilibus in-
clauerunt praeliis, longissime superat. Qui ipsum ma-
jestatis Dominum, temerario plane conatu, ausus est
suae calliditatis fraude aggredi. Hic vocatur *Draco*,
quia longe lateque infernale & mortiferum virus dis-
seminat, & in omnes terrae partes, ut omnes homines,
& quae benignissimus Deus in salutem humani generis
produxit, dummodo sui juris esset, perderet & cor-
rumperet. Dicitur *Leo rugiens*, quia tanquam Leo ir-
ritatus suo robore terrarum orbem indefesso circumit
studio, uti inueniat quos suo expanso consumat ore.
Nec non *antiquus* appellatur *serpens*, quia callida sua
machinatione, & astutissimo quo refertus est dolo,
decepit Adamum primum humani sanguinis paren-
tem, & Judam in Scholâ Salvatoris discipulum. *Sa-
tanus* autem jure nuncupatur, quia omnia bona opera,
tanquam mendaciorum pater, evertit, & omnes er-
rores, vitia, similtates, & dissidia disseminat, in varia
crimina homines illicit, & quos illexit, coram tribu-
nali Dei perpetuo accusat, imò qui ipsos Christi Apo-
stolos sicut triticum cribrare impudentissimo expetiit
ore, quique, uti Historia Jobi docet, indefinenter de-
siderat licentiam omnis generis mala in humanum ge-
nus proijciendi. Hic autem scyrens tyrannus exerci-
tum ducit in omne flagitium propensum, quem Apo-
stolus vocat *Potestates aeris*. Hi enim milites inferna-
les, quos stupenda & intolerabilis superbia e coelo
turbavit, & in omnem deformem & abominabilem
turpitudinem condemnavit, cum gratiam Dei omni-
potentis perdiderint, hoc unicum innumerâ multi-
tudine

367

tudine & assiduis intendunt vigiliis, ut nos modo externis oppugnent insultibus, & violento adorianur praelio, modo occultis & fraudulentis circumveniunt insidiis, & dolis. Hoc ergo bellum infernalis exercitus eo magis exhorrescendum, quia non corpori tantum & bonis corporalibus insidias fruit perpetuas, sed & potentissimum praelium animæ hominis, Christi sanguine redemptæ indicit. Aggreditur autem, prout victoriam cruentam sperat, modo firmas ac munitas partes, modo autem partes minus munitas ac infirmas; adeoq; in omnibus metuendæ sunt diabolicæ insidiæ. Huic autem truculentissimo hosti, & immanissimo pariter & cruentissimo exercitui infernalium spirituum, cum humana imbecillitas resistere, minus victoriæ spem concipere non valeat hominum consociata multitudo: *Dux vite Jesus Christus, Dominus virtutum Zebaoth, Rex gloria, Dominus fortis & potens, heros in praelio*, ex merâ misericordiâ erga genus humanum, sese infensissimo illi humani generis tyranno opposuit, eumque feliciter debellavit. Is autem vivis depingitur coloribus à Johanne: *Et vidi cælum apertum: & ecce equus albus, & qui sedebat super eum vocabatur fidelis & verax; & cum justitiâ iudicat & pugnat. Oculi autem ejus sicut flamma ignis, & in capite ejus diademata multa: & paulo post, & exercitus qui sunt in cælo sequebantur eum in albis equis, vestiti byssino albo & mundo: Apocal. 19. Hic est Rex Regum, & Dominus dominantium, qui duxit exercitum cœlestis militiæ ad praelium, & qui, postquam infernalem illum Leonem & Draconem subjugavit, & catenis ferreis captivum duxit, victoriam atque triumphum reduxit. Hic est, qui*

qui solus suo potenti brachio humanum genus redemit, & salutem restituit, quia ipse salus est. *Hic est* qui superavit peccatum, diabolum & mortem, & qui portas infernales fortissime expugnavit. *Hic est* potentia omnipotentis, qui potestates infernales pedibus conculeavit suis. *Hic est* Michael Archangelus cujus hodiè in Christiano orbe celebramus festum, & cui omnes vere credentes illud Johannis sonorâ voce, & triumphali accinunt clamore: *Nunc facta est salus, & virtus, & regnum Dei nostri, & potestas Christi ejus: quia projectus est accusator fratrum nostrorum, qui accusabat illos ante conspectum Dei nostri nocte ac die: propterea latamini cæli, & qui habitatis in eis.* Hujus Michaelis Archangeli festum & nos celebrare debemus, non externo cultu & solo ritu, sed internâ devotione & spirituali lætitiâ. Non Archangeli papistici papisticè, sed veri Dei, qui ita est archangelus ut tamen non sit ex numero angelorum creatorum: Sed est æterni Dei æternus filius Patri ἰσοῦσις, ejusdem ἐκὼν & ἁεργικῆς. Quis proinde non miretur? quod ex illis in eam delapsi sint mentis dementiam, & in illos inexcusabiles errores, ut Archangelum hunc inter angelos creatos ausint referre, illumq; ne in ordine precent, Lucifero, antequam hic cum suis legionibus cælo expelleretur, modo inferiorem ponunt; modo ex supremo ordine infimæ Hierarchiæ faciunt; modo eum in suprema Hierarchiâ collocandum censent. Quis non miretur? si ad fragmenta vel figmenta potius reliquiarum Michaelis Papistici oculos convertat: Michaelis Archangeli pugionem & elypeum, quibus usus est in
monoma-

309
monomachia cum Satana, a Turonensibus ostendi,
refertur apud *Wolff. tom. 2. cent. 16.* Alii sicam, pugio-
ni puerili persimilem, inter sacra habent. Alii ejus pen-
nas, inter alias reliquias, vanè colunt, & superbè jacti-
tant. Verum enimvero quis, nisi communi sensu de-
stitutus, & in sacro Codice hospes, talibus nugis velit
vel tantillum fidei tribuere? Quis autem, nisi verbis
Christi, & ipsis rerum principiis, velit contradicere,
asserere audebit, cum angelos esse spiritus apud om-
nes in confesso sit, angelos præditos esse corporalibus
attributis, & corporalibus armis debellare Satanam,
ejusve exercitum? Non enim clypeo, pugione, aut
aliis opus habet armis, qui spiritualem hunc serpen-
tem fugare, aut ejus caput conculcare cupit, sed in-
dutus esse debet lorica justitiæ, & cinctus scuto fidei,
qui ignita tela nequissimi hujus hostis vult extin-
guere. Assumendus proinde est gladius spiritus,
quod est verbum Dei, quo solo Satanas victus ceci-
dit. Nec adorare debemus Michaelem ut Angelum
creatum, sed ut Angelum increatum & verum Dei fi-
lium: magna siquidem foret in Deum blasphemia, An-
gelum creatum Deum facere, & ipsi honorem & cul-
tum soli Deo debitum tribuere, talis enim angelorum
cultus mera idololatria est, quam Apostolus damnat
Col. 2. 18. Hinc *Lactantius*: *Nullum honorem sibi tribui an-
geli volunt, quorum honor in Deo est: & Theodoretus* in ean-
dem sententiam scribit: *Qui legem defendebant, eos
etiam ad Angelos colendos inducebant, dicentes fuisse legem
per eos datam. Mansit autem diu hoc vitium in Phrygia &
Pisidia: Quocirca Synodus quoque qua convenit Laodicea,
que est Phrygia metropolis, lege prohibuit, ne precarentur An-
gelos,*

gelos: nec minus rectè contra tales Angelolatras ex-
clamat *Augustinus: Utinam illos colere velletis, facile ab
eis disceretis illos non colere.*

Quoniam itaque potentia Angelorum creato-
rum, ipsi Potentiæ Archangeli Michaelis, qui est
unicus & verus Dei filius, & ejus voluntati, sub-
ordinata est *Psal. 103. 20. 2. Sam. 14. 16.* Huic,
qui est omnium Creator & Princeps, festa no-
stra consecremus, templa non lapidea sed pu-
ri cordis dedicemus, preces nostras ad eum,
dirigamus, Ipsique Triumphatori insuperabi-
li, Sanctus, Sanctus, Sanctus, Dominus
Deus Zebaoth! devotissimo pe-
ctore occinamus.

Dabam sub Sigillo Rect. ipso die
Michaelis, Anno 1667.



monomachiâ cum Satanâ, à Turonen
refertur apud *Wolff. tom. 2. cent. 16.* Alii
ni puerili persimilem, inter sacra habent
nas, inter alias reliquias, vanè colunt, &
tant. Verum enimvero quis, nisi consti-
titutus, & in sacro Codice hospes, talibus
vel tantillum fidei tribuere? Quis aut
Christi, & ipsis rerum principiis, velit
asserere audebit, cum angelos esse sp
mines in confesso sit, angelos præditos esse
attributis, & corporalibus armis debel-
ejusve exercitum? Non enim clypeo
aliis opus habet armis, qui spiritualem
tem fugare, aut ejus caput conculcare
dutus esse debet loricâ justitiæ, & cinctus
qui ignita tela nequissimi hujus hosti-
guere. Assumendus proinde est gla-
quod est verbum Dei, quo solo Satana
dit. Nec adorare debemus Michaelem
creatum, sed ut Angelum increatum &
lium: magna siquidem foret in Deum bl-
gelum creatum Deum facere, & ipsi ho-
tum soli Deo debitum tribuere, talis en-
cultus mera idololatria est, quam Apo-
Col. 2. 18. Hinc *Lactantius*: *Nullum honore*
geli volunt, quorum honor in Deo est: & *The-*
dem sententiam scribit: Qui legem da-
etiam ad Angelos colendas inducebant, dice-
per eos datam. Mansit autem diu hoc vitium
Pisidia: Quocirca Synodus quoque qua con-
qua est Pbrygia metropolis, lege prohibuit, ne

